

U G O V O R

o pružanju usluga - Catering za potrebe projekta „Kreativne metode za održive poslovne inovacije malih i srednjih preduzeća MED područja-CreaInnovation“

1. **Sarajevska regionalna razvojna agencija SERDA d.o.o. Sarajevo**, Kolodvorska 6, koju zastupa direktor dr. Ševkija Okerić, (u daljem tekstu: **Naručilac**)
i
2. **„ABEILLE“ d.o.o. Sarajevo**, ul. Hiseta br. 21, Sarajevo, koga zastupa direktor Adi Trako (u daljem tekstu: **Pružalac usluga**)

Član 1.

Predmet ovoga Ugovora je pružanje usluga za potrebe SERDA d.o.o. Sarajevo, odnosno potrebe projekta „**Kreativne metode za održive poslovne inovacije malih i srednjih preduzeća MED područja-CreaInnovation**“, koje uključuju Catering (hladna i topla jela, desert, bezalkoholna pića i kafa) za potrebe četiri jednodnevne Lokalne radionice i jedne jednodnevne Transnacionalne radionice koje će biti održane u periodu od septembra 2019. godine do maja 2020. godine, a prema ponudi Pružaoca usluga „ABEILLE“ d.o.o. Sarajevo, broj: 5/19 od 16.07.2019. godine.

Član 2.

Pružalac usluga se obavezuje da će **Naručiocu** pružati usluge - Catering za potrebe projekta „Kreativne metode za održive poslovne inovacije malih i srednjih preduzeća MED područja-CreaInnovation“, koje uključuju *Catering* (hladna i topla jela, desert, bezalkoholna pića i kafa) do 15 učesnika za svaki događaj kako slijedi:

- Septembar 2019. godine, jednodnevna Lokalna radionica 1, u SERDA-i,
- Septembar 2019. godine, jednodnevna Lokalna radionica 2, u SERDA-i,
- Septembar/oktobar 2019. godine, jednodnevna Lokalna radionica 3, u SERDA-i,
- Septembar/oktobar 2019. godine, jednodnevna Lokalna radionica 4, u SERDA-i i
- Oktobar 2019. godine – maj 2020. godine, jednodnevna Transnacionalna radionica, u SERDA-i,

a sve prema specifikaciji potreba iz Poziva za dostavu ponuda i prihvaćene ponude Pružaoca usluge broj: 5/19.

Član 3.

Cijena usluga iznosi 2.452,80 KM bez PDV-a, sa svim ostalim uključenim troškovima.

Ugovorne strane su saglasne da u cilju oslobađanja od PDV-a, u skladu sa odredbama člana 6. I 7. Instrukcije o postupku ostvarivanja carinskih i poreskih oslobađanja u skladu sa Okvirnim sporazumom između Bosne i Hercegovine i Evropske komisije o aranžmanima za provođenje finansijske pomoći Unije Bosni i Hercegovini u okviru instrumenta pretprijetne pomoći (IPA II), („Sl. Glasnik BiH“, broj: 91/15) i Ugovora broj: (3MED17_1-1_M”_018) za projekat CREA INNOVATION, Dobavljač će izdati fakturu bez obračuna PDV-a sa obaveznom klauzulom: „Oslobodeno od plaćanja PDV-a u skladu sa članom 29. stav 2. Zakona o porezu

na dodatnu vrijednost – Potvrda IPA II MFT Kontrolni broj:10-17-1-8452-2/18” od 05.09.2018. godine”.

Plaćanja će se vršiti na račun Pružaoca usluga u roku od sedam dana nakon izvršenih usluga po navedenim događajima i dostavljene fakture, a prema najavljenom broju osoba i obroka.

Član 4.

Naručilac se obavezuje da će blagovremeno obavjestiti Pružaoca usluga o tačnom terminu održavanja radionica i tačnom broju učesnika.

Član 5.

Pružalac usluga se obavezuje da će ugovorene usluge pružati u periodu septembar 2019. godine do maja 2020. godine.

Mjesto pružanja usluga je u prostorijama SERDA d.o.o. na bazi cateringa-švedskog stola.

Član 6.

Ovaj Ugovor stupa na snagu danom potpisivanja od strane obje ugovorne strane.

Član 7.

Za svaki dan zakašnjenja Pružalac usluga se obavezuje da Naručiocu na ime ugovorene kazne plati pet (5) promila vrijednosti neizvršenog dijela posla, a najviše 5% (pet posto) te vrijednosti.

Član 8.

Ako slučaj više sile, potpuno ili djelimično spriječi izvršenje obaveza po ovom Ugovoru, ugovorna strana je obavezna da obavijesti drugu ugovornu stranu odmah od momenta nastanka više sile.

Član 9.

Pružalac usluga nema pravo zapošljavanja, u svrhu izvršenja ugovora o nabavci fizičkih i pravnih lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, nadležna za dodjelu navedenog ugovora o javnoj nabavci, 6 mjeseci po zaključenju Ugovora.

Član 10.

Sve eventualne sporove, ugovorne strane će rješavati sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je sud u Sarajevu.

Ugovorne strane su saglasne da se ovaj Ugovor može jednostrano raskinuti pismenim putem.

Član 11.

Ovaj Ugovor je sačinjen u 4 (četiri) istovjetna primjerka, po 2 (dva) za svaku ugovornu stranu.



**ZA PRUŽAOCA USLUGA
DIREKTOR**

Adi Trako

Broj: 7/2019.
Dana, 05. 08. 2019. g.



**ZA NARUČIOCA
DIREKTOR**

dr. Ševkija Okerić

Broj: UG-144/19
Dana, 01. 08. 2019. g.